

ԱՆԻ Ա. ՈՒԹՈՒԶՅԱՆ

ԱՄԵՆԱՅՆ ՆԱՅՈՑ ԿԱԹՈՂԻԿՈՍ ՆԱԿՈՐ Դ. ԶՈՒՂԱՅԵՑՈՒ ՄԱՆՎԱՆ ՕՐՎԱ ԱՌԵՂԾՎԱԾԻ ՇՈՒՐՋ

Նակոր Դ. Զուղայեցին Նայոց ամենաերեսելի հայրապետներից է, լուսավորչական-վերանորոգչական շարժման նախաձեռնողներից ու հայ ազապագրական շարժման ռահվիրաներից: Ժամանակակիցները նրան անվանել են, «Ճգնազգեաց դիպրապետ»¹, «մաքրամիպ»², «այր սուրբ եւ բնորեալ»³, «յոյսն ամենեցուն»⁴ ու «Մեծն Կաթողիկոսն Նայոց»⁵: Նկրեաբար, բնական պէտք է համարել այն հսկայական հեղաքրքրությունը, որ նրան է նվիրել հայ պարմաբանասիրական միպրքը⁶: Այնուհանդերձ, խոստովանելի է, որ առկա բազմաթիվ ուսումնասիրություններ ի վիճակի չեն եղել հստակեցնել Նակոր Զուղայեցու կենսագրության առանձին փաստեր եւ, ինչպես իրավացիորեն նշում է Ն. Քյուրյանը, Կաթողիկոսի վավերական կենսագրությունը շարունակում է մնալ «աղճաբուած, այն խանգարված է իրականությունէն շար ու շար հեռու հեքիաթ վիպասանություններով»⁷: Նայոց Նայրապետի կենսագրության մեջ ամենախճճվածն ու առեղծվածայինը թերեւս մնում է նրա մահվան օրվա հարցը: Ե՞րբ է մահացել Նակոր Դ. Զուղայեցին: Թվում է, թե դա պէտք է լիներ ամենահստակն ու ճշգրտվածը: Մանավանդ Կաթողիկոսի դամբարանը եզրափակող ու համապարասխան արձանագրությամբ օժտված փապանաքարի առկայության պայմաններում: Այն մարմարյա մեծածավալ շիրմա-

1 «Մայր ցուցակ հայերէն ձեռագրաց Մաշտոցի անուան Մարենադարանի», հայր. Ա., Երեւան, 1984, , էջ 1104:

2 «Մանր ժամանակագրություններ». XIII-XVIII դդ., հայր. II, կազմեց Վ. Ա. Նակորյան, Երեւան, 1956, էջ 357:

3 Անդ, էջ 361:

4 «Մայր ցուցակ հայերէն ձեռագրաց Մաշտոցի անուան Մարենադարանի», հայր. Դ., Երեւան, 2008, էջ 684, հմմտ. անդ, հայր. Է, Երեւան, 2012, էջ 526:

5 Անդ, հայր. Բ., Երեւան, 2004, էջ 1049:

6 Մասնավորապես րեն **Միքայէլ Զաւէնան**, Պարմութիւն Նայոց, հայր. 3, Վենետիկ, 1786, էջ 647, 657-661, 691-692, 701-719; **Մ. Խոսրոկեան**, Յակոր Կաթողիկոս Զուղայեցի. «Արարապ», 1902, դ 9-10, էջ 771-785; **Մաղաքիա արքեպ. Օրմանյան**, Ազգապարում, հայր. Բ., Կ. Պոլիս, 1913, էջ 2910-3052; **Ա. Գ. Նովհաննիսյան**, Նակոր Դ. Զուղայեցի կաթողիկոսը եւ փաճկահայ նվիրականության խնդիրը. «Արարապ», 1915, դ 2-3, էջ 195-205. նույնի՝ «Նակոր Զուղայեցու մի գրությունը ռուս արքունիկին». «Արարապ», 1915, դ 9-10, էջ 775-781. նույնի՝ «Դրվագներ հայ ազապագրական միքի պարմության», գիրք 2, Երեւան, 1959, էջ 202-223 եւ ալուր; **Յ. Քիւրյան**, Նիւթեր Յակոր Զուղայեցի Կաթողիկոսի կենսագրութեան համար (1655-1680). «Նասկ», 1952, փետրվար, էջ 41-44, մարտ-ապրիլ, էջ 87-89. նույնի՝ «Նակոր կաթողիկոս Զուղայեցի», Անթիլիաս-Լիբանան, 1969. նույնի՝ «Յակոր Կաթողիկոս Զուղայեցիի նորագիւպ խիստ կարեւոր վաւերաթուղթ մը». «Միւն», 1969, մարտ-ապրիլ, էջ 126-133; **Մ. Թերզեան**, Նակոր Դ. Զուղայեցի, Բեյրութ, 1965; **Լ. Ս. Խաչիկյան**, Նակոր Զուղայեցու կրակը. «Պարմա-բանասիրական հանդես», 1966, դ 4, էջ 173-186; **Կ. Ամարունի**, Յակոր Դ. Զուղայեցի. «Բազմավէպ», 1992, 1993, 1995:

7 Տեն **Յ. Քիւրյան**, Յակոր Կաթողիկոս Զուղայեցիի նորագիւպ խիստ կարեւոր վաւերաթուղթ մը, էջ 127:



Հակոբ Դ. Ջուղայեցի Կաթողիկոս

բար է, որի վրա դրվագված են կաթողիկոսական թագ, եմփոթոն, գավազան, կոնքեռ եւ պապական շաններ: Շիրմաքարն ունի 12 փողանոց երկաթագիր արձանագրություն՝ վեց փող շիրմի աջ (հարավային), իսկ մյուս վեցը՝ ձախ (հյուսիսային) կողմում: Ինչպես հավաստում է շիրմաքարի արձանագրությունը, այն կառուցել է Ժամանակի ամենահայրնի շինարար վարպետներից մեկը՝ Զաքարիա խալֆան⁸: Գերեզմանը շրջափակված է երկաթյա բարձրահաշակ գեղազարդ ճաղաշարով, որ, անկասկած, ավելի ուշ շրջանի սպեղծագործություն է:

Նակոբ Զուղայեցու փապանագիրը էական բացթողումներով առաջին անգամ հրապարակել է Վիեննական Մխիթարյան Աղ. Պալճյանը⁹: Ներագայում այն ընթերցել եւ հրապարակել են շարերը: Լավագույն ընթերցումը, անկասկած, պապականում է Վ. Թորգոմյանին, որի համաձայն էլ սպորեւ ներկայացնում ենք այն:

Աջ երես՝

**Նանգստարանս այս հրաշափառ եւ պապուելի
Վայելչադիր յօրինուածովք ի հանդիսի
Ունի աւանդ գմարուր մարմին բազմերջանկի
Տեառն Յակոբայ Նայոց ընտրեալ Նայրապետի
Որ փոխանորդ Նոր մերոյ Սրբոյ Լուսաւորի
Կաթողիկոս օծեալ նորին օրհնեալ գահի:**

Ձախ երես՝

**Եւ արդ փապանս բուժիչ ախարից մարմնականի
Յուսով ի սա դիմեցելոց հրաշիւք յայտնի
Զկազմող սորին յիշել ի Տէր գարմիւք հայցի
գԶաքարիեայն որ ի խալիֆայ հիւսնականի
Նազար հարիւր քսան եւ ինն թըվի
Երկրորդ աւուր ամսոյն Նոնմայ օգոստոսի:**

Այսինքն՝ 1680 թ. օգոստոսի 2-ին¹⁰:

Բայց հարցը սրանով չի սպառվում, գայթակղությունը առջևում է: Շիրմաքարի աջ կողմի ներքևի անկյունում առկա է երեք փողանոց մի արձանագրություն եւս, որտեղ դարձյալ հավաստում է Կաթողիկոսի մահվան թվականն ու օրը՝

**Սբ Նորս հանգ
ում յեղեր... Ռ.
ՃԻԹ. օգոստոսի Ա.:**

⁸ Թ-երես սա նույն Զաքարիա խալֆան է, որ 1654 թ. Անկարայի Ս. Ասրվաճաճին եւ 1671 թ. Քանդիեյի Ս. Կարապետ եկեղեցիներին Ավերաբաններ է նվիրել (տե՛ս Ն. Ա. Սյրեփանյան, Նայերի ներդրումն Օսմանյան կայսրությունում, Երևան, 2012, էջ 435):

⁹ Աղ. Պալճյան, Պապմութին կաթողիկե վարդապետության ի հայտ, Վիեննա, 1878, էջ 164-165:

¹⁰ Երեմիա Չելեպի Քլօմիքճեան, Սրամպոյոյ պապմութին, հրապարակեց եւ ծանոթագրեց փոքր. Վահրամ Յ. Թորգոմեան, հայր. Բ., Վիեննա, 1932, էջ 602; Մ. Նանեսեան, Նարխաբան եւ հնգամեայ հորեղեան Բերայի Ս. Երրորդութիւն եկեղեցոյ, Կ. Պոլիս, 1982, էջ 312-314:

Այսինքն՝ 1680 թ. օգոստոսի 1-ին¹¹:

Անշուշտ քարոքինակ է, քանզի նույն քաղաքապետի վրա, ինչպես Կոստանթնուպոլիսի մահմադարյան օրը հիշատակվում է երկու անգամ, երկու քարքերակով՝ «օգոստոսի 1 եւ 2»: Ո՞րն է սրանցից վավերականը եւ ի՞նչ է նշանակում նման հակադրությունը: Այս ներհակությունը պետք է, որ ունենա իր բացատրությունը, որին էլ քիչ ավելի ուշ կանոնադրաբանենք:

Իսկ ի՞նչ են արձանագրել ժամանակակիցները: Երեմիա Չելեպի Քյոմուրճյանը, որ ժամանակով ամենամոտին է կանգնած Նակոբ Դ. Ջուղայեցուն եւ որը եղել է հանգուցյալ Նայրապետի մերձավորագույն ու հոգեհարազատ համախոհը, նրա մահվան առիթով հեղինակել է չափածո մի քանի սյուրճագործություն՝ «Գանձ եւ ողբք ի վերայ Յակոբ Կաթողիկոսի» վերաբերությամբ¹²: Այսպեղ հեղինակը հստակ փաստել է՝

**ՋՃԻԹ. Նայոց անցեալ,
եւ մարմրքն հասեալ¹³,
յօգոստոս մըրեալ.
Ջանցաւորս թողեալ,
գտուր կենցաղս լըքեալ.
Մահու հնազանդեալ¹⁴:**

«Յօգոստոս մըրեալ»-ը կարող է լինել միմիայն օգոստոսի 1-ը եւ ոչ թե 2-ը: Նույն՝ 1680 թ. գրված հիշատակարաններից մեկն արձանագրում է. «Յակոբ կաթողիկոսն վաղնճեցաւ ի թվականիս Նայոց ՌՃԻԹ. (1680) ամին: Վարդավառին առ Աստուած փոխեցաւ»¹⁵: Այսպեղ շատ էական է «Վարդավառին» ցուցումը, քանզի Վարդավառը երբեք չի կարող լինել երկուշաբթի օր, այլ միմիայն կիրակի օրը, այսինքն՝ օգոստոսի 1-ին:

Ջաքարիա Ագուլեցին (1630-1691) Կաթողիկոսի մահվան լուրն իմացել է օգոստոսի 27-ին (իՒ-ում) եւ անմիջապես իր օրագրում արձանագրել. «Թ-վին ՌՃԻԹ. օգոստոսի Բ-ում Ըստմբոյ Աստուածածին եկեղեցումն Յակոբ Կաթողիկոսն առ Աստուած փոխեց: Տարան Բէկ-օղի հանգիստումն թաղեցին»¹⁶: Ջաքարիա Քանաքեղեցին (1627-1699), որ Կ. Պոլիս է այցելել 1684 թ. եւ բավականին տեղեկացված է իրադարձություններին, քարիներ անց՝ 1699 թվականին, իր «Պատմագրություն» երկասիրությունը շարադրելիս արձանագրել է. «Մեծն Նայրապետն Յակոբ ... քաղաքացաւ, եւ վախճանեալ հանգեալ ի Տէր յայն ամի ի թուին ՌՃԻԹ. յօգոստոսի Բ. եւ քաղաքն Ղալաթայ՝ ի հասարակաց գերեզմանն ի տեղին որ կոչի Բէկօղի»¹⁷: Ժամանակով մերձ Սյունիանոս

11 Երեմիա Չելեպի Քեօմուրճեան, Սրամայօղյ պատմություն, էջ 603:

12 Տե՛ս Ն. Ակինեան, Գանձ եւ ողբք ի վերայ Յակոբ Կաթողիկոսի, «Նանդեւ ամսօրեայ», 1933, թ. 9-10, էջ 589-595, հմմտ. նույնի՝ «Երեմիա Չելեպի Քեօմուրճեան. կյանքն ու գրական գործունեությունը», Վիեննա, 1933:

13 Ըստ Ն. Ակինյանի՝ Զ (6) + Ը (100) + Բ (20) + Ռ (1000) + եւ (3) = է 1229 (1680), տե՛ս Ն. Ակինյան, Երեմիա Չելեպի Քեօմուրճեան, էջ 202:

14 Անդ:

15 «Մայր ցուցակ հայերէն ձեռագրաց Մաշքոցի անուան Մարտենադարանի», հայր. Բ., էջ 1406:

16 «Ջաքարիա Ագուլեցու օրագրությունը», Երևան, 1938, էջ 151:

17 Տե՛ս «Ջաքարեայ Մարկաւագի պատմագրություն», հայր. 2, Վաղարշապատ, 1870, էջ 91:



Հակոբ Դ. Ջուղայեցու դամբարանը մեր օրերում



Հակոբ Դ. Ջուղայեցու շիրմաքարի աջ կողմի ներքեի անկյան արձանագրությունը



Դամբարանի աջ երեսի արձանագրությունը



Դամբարանի ձախ երեսի արձանագրությունը

Ռոշքան (1670-1739) կաթողիկոսի մահվան օրը չի հիշարարվում. «ՌՃԻԹ. Տ. Յակոբ Զուղայեցի ... վախճանի եւ թաղի ի գերեզմանապանն Պէյօղլի, յորոյ դամբարանէն սակաւ նշանք լինին»¹⁸: Կաթողիկոսի մահվան օրը չեն հիշարարվում նաեւ ԺԸ. դարում ապրած ժամանակագիր Իսահակ վարդապետն¹⁹ ու Սիմեոն Ա. Երևանցին²⁰: Մ. Չամչյանը²¹ եւ նրա հետեւողները Սարգիս դպիր Սարաֆ Նովհաննիսյանը²² օգոստոսի 2-ի կողմնակից են: Բնականաբար, սկզբնաղբյուրների փարաձայնությունը չէր կարող իր անդրադարձը չունենալ մասնագիտական գրականության մեջ: Տեսակետները բաժանվել են երկու օգոստոսի 1-ի²³ եւ 2-ի²⁴ կողմնակիցների միջեւ:

Իրականում խնդիրն ավելի բարդ է, քան մեկ օրվա ճշգրտության հարցը: Իրադարձությունների հստակ պարկերացման համար անհրաժեշտ է հետևել կաթողիկոսի հիվանդության սրմանն ու մահվանը նախորդող դեպքերի զարգացմանը:

82-ամյա Նակոբ Դ. Զուղայեցին, որ «**խիթէ կը պառապէր**»²⁵ (սպամոքսի սուր բորբոքում, խոց - Ա. Ու.), 1680 թ. մայիսին՝ հոգեգալուստից հետո, օղափոխության նպատակով մեկուսացվել է Կ. Պոլսի Սկյուրար արվարձանում: Այսպես շուրջ երեք ամիս «օր քան գոր փկարացեալ» Նայրապետն այնքան է նվաղում, որ այլևս անկարող է լինում ինքնուրույն փեղաշարժվել: Նույնի 28-ին՝ չորեքշաբթի օրը, մերձիմահ Կաթողիկոսին փեղափոխում են Կ. Պոլիս, որտեղ եւ օգոստոսի 1-ին, կիրակի օրը մահանում է: Ինչպես վերևում արեանք, նրա մահը համընկել է Վարդավառին, այսինքն՝ օգոստոսի 1-ի կիրակի օրը: Նույն արկածությունը փեղի է ունենում հաջորդ օրը՝ երկուշաբթի, օգոստոսի 2-ին: Անկասկած է, որ փապանաբարի վրա գեղեղված ընդարձակ արձանագրությունը փաստում է Կաթողիկոսի հուղարկավորության օրը՝ օգոստոսի 2-ը:

Արժեքագուրկ են, դեռ ավելին՝ զավեշտալի, այն պնդումները, թե Կաթողիկոսը **մահվանից թույլենալ առաջ**²⁶ դավանագիր է ստորագրել, որի համաձայն, իբրեւ փաստել է իր հպարակությունը «ծայրագույն քահանայապետին», այսինքն՝ Նոմի պա-

18 Մովսես Ռոշքայ, Ժամանակագրություն կամ փարեկանք եկեղեցականք, Վիեննա, 1984, էջ 184:

19 Տե՛ս «Մանր ժամանակագրություններ», XII-XVIII դդ., հար. 1, կազմեց Վ. Ա. Նակոբյան Երևան, 1951, էջ 309:

20 Սիմեոն Կաթողիկոս Երևանցի, Զամբո Վաղարշապատ, 1873, էջ 26:

21 Մ. Չամչյան, նշվ. աշխ., հար. Գ., էջ 719:

22 Սարգիս դպիր Սարաֆ Նովհաննիսյան, Վիպագրություն Կոստանդնուպոլիս մայրաքաղաքին. 1800, Երուսաղեմ, 1967, էջ 71:

23 Տե՛ս «Ընդարձակ օրացոյց Ս. Փրկչեան հիանդանոցի Նայոց», Կ. Պոլիս, 1904, էջ 269: **Մաղաքիա արքեպ. Օրմանյան**, Ազգապատում, հար. Բ., էջ 2615: **Ա. Գ. Նովհաննիսյան**, Դրվագներ..., գիրք 2, էջ 219: **Յակոբ Սիրունի**, Պոլիս եւ իր դերը, առաջին հատոր (1453-1800), Բէյրութ, 1965, էջ 548 (այլ կապակցությամբ՝ օգոստոսի 2-ին, փեն անդ, էջ 646): **Յ. Քիւրպյան**, Յակոբ Կաթողիկոս Զուղայեցի, Անթիլիաս, 1965, էջ 39: **Ս. Ճեմճեմճեան**, Նայ փապագրությունը եւ Նոմ (ԺԷ. դար), Վենետիկ, 1989, էջ 152 եւ այլն:

24 Տե՛ս **Նրանդ Կսարոյր**, Կոստանդնուպոլսյ հայերը եւ իրենց պարրիարքները, «Տարեցոյց ազգային հիանդանոցի», Կ. Պոլիս, 1911, էջ 76, հմմտ. Լույս, Ստամբուլ, 2011, էջ 88: **Մ. Խոսրոփեան**, նշվ. աշխ., էջ 785: **Վ. Թորգոմեան**, նշվ. աշխ., հար. 2, էջ 605: **Լեռ**, Նայոց պատմություն, հար. 3, գիրք 1, Երևան, 1969, էջ 339: **Լ. Մու. Խաչիկյան**, Աշխարհություններ, հար. Ա., Երևան, 2012, էջ 425 եւ այլն:

25 Տե՛ս «Մայր ցուցակ ձեռագրաց Սրբոց Յակոբեանց», երկրորդ հար., կազմեց Նորայր եպս. Պողարեան, Երուսաղեմ, 1953, էջ 59ա:

26 «Կը դաւանիմ մահուանս ժամէն մի քանի վայրկեան առաջ» (փեն **Ն. Թերզեան**, նշվ. աշխ., էջ 194):

պին²⁷: Գարձյալ անուրջ են կաթողիկոսին իր իսկ մահվան օրը թաղելու և նրա հոգեհանգստյան պաշտոնը Կ. Պոլսի կաթողիկ հովվապետ Գ. Գասպարինիի կողմից կատարելու վերաբերյալ պնդումները²⁸: Գեղեոս Մաղաթիա արքեպ. Օրմանյանը և Ն. Քյուրյանը անհերքելի փաստերով ցույց են տվել նման պնդումների արհեստածին, անտրամաբանական ու անհամոզիչ լինելու հանգամանքը, որ այնքան սիրելի էին ու սովորական ժամանակի հայ կաթողիկական միջավայրում (Թաղեոս վրդ. Նամագասայան, Սողոմոն Լևոնյան, Վարդան Նունյան, և ավելի ուշ ժամանակներում Միքայել վրդ. Չամչյան, Աղեքսանդր վրդ. Պալճյան, Նամագասայ վրդ. Ոսկյան, Կարապետ վրդ. Ամարունի և այլք): Առանց որևէ մասնագիտական հսկող պատրաստվածության, հեշտությամբ սպացուցելի է ինչպես Նակոր Զուղայեցուն վերագրվող դավանագրի ձևագրի, այնպես էլ նրա ստորագրության կեղծ լինելը, որը և կատարել է Ն. Քյուրյանը²⁹: Եւ վերջապես, որքա՞ն լուրջ է 82-ամյա մերձիմահ մարդու կողմից նման որևէ փաստաթուղթ հեղինակելը: Չէ՞ որ նա դա կարող էր անել բազմիցս, երբ դեռ առողջ էր, գիտակից ու գործունյա, և երբ, քարերի առիթներով, թղթակցում էր իր օրերի Նոմի քահանայապետների (Աղեքսանդր Է., Աղեմես Ժ., Իննովկենյան ԺԲ.) հետ:

Ի դեպ, կաթողիկ պատմաբանները նաև այդ թղթակցությունների հիման վրա է, որ Նակոր Գ. Զուղայեցուն ներկայացնում են որպես հռոմեական կաթողիկ եկեղեցուն համախոհ: Սակայն հստակ է, որ պապերին ուղարկված Նակոր Զուղայեցի Կաթողիկոսի (նաև այլ կաթողիկոսների) համապատասխան գրությունները պետք է դիտարկել որպես քրիստոնեական սիրտ և հարգանքի արտահայտություններ և ոչ թե Նոմի կղերականին հնազանդություն հայտնելու հավաքարմագրեր:

Եւ վերջինը: Մի՞թե կարող է լուրջ թվալ Կաթողիկոսի մահվան օրն իսկ նրան հուղարկվորելը: Ինչպիսի՞ անհարգալից, անպարկեշտ ու անհասկանալի վերաբերմունք բոլորի կողմից սիրված «Նայոց Մեծն կաթողիկոսի» նկատմամբ: Եւ մի՞թե Կ. Պոլսում այնքան բազմաթիվ հայ հոգևորականների առկայության պայմաններում հնարավոր էր հանգուցյալի հոգեհանգստյան պաշտոնը վստահել կաթողիկ հոգևորականի: Եվ այդ բոլորից հետո Նայոց Առաքելական եկեղեցու մեծագույն նվիրյալ Երեմիա Չելեպի Քյոմուրճյանը ի՞նչ քրամաբանությամբ ու սիրով չորս փաղեր ու հատուկ Գանձ կնվիրեր կաթողիկությունն ընդունած հայրապետի հիշատակին: Չէ՞ որ, հակառակ դեպքում նա կարող էր ընդհանրապես չարձագանքել այդ պիտուր իրադարձությանը:

Նակոր Զուղայեցու մահվան վերաբերյալ հետաքրքիր փնտրություններ է հաղորդում նաև այդ ժամանակներում Կ. Պոլսի Տիսուսյան օրդենի մեծավոր մոնսիներ Ֆրանչեսկո Զոլին: 1680 թ. սեպտեմբերի 26-ի թվակիր՝ Վարիկան հղված մի նամակում նա գրում է. «13 օգոստոսի, 1680-ին Նայրապետ մեծն Նայոց Նակոր ... մեռավ Կ. Պոլսում մեջ»³⁰: Օրերի փառքերությունը հեշտությամբ է բացատրվում, եթե նկատի ունենանք

27 Տե՛ս «Անտիք», ամսագիր, Բեյրութ, 1955, թ. 10-12, էջ 145-146, հմմտ. «Յուսաբեր», օրաթերթ, Կահիրե, 1955, 20 սեպտեմբերի:

28 Տե՛ս «Բազմավեպ», 1949, թ. 7-9, էջ 72:

29 Տե՛ս Յ. Քյուրյան, Նակոր Կաթողիկոս Զուղայեցի, էջ 63-65:

30 Ն. Քյուրյան, Նիսիեր..., էջ 89:

երոպական եւ արեւելյան ամսաթվերի 13 օրվա տարբերությունը: Ներկաբար, երոպական օգոստոսի 13 ամսաթիվը հավասար է արեւելյան օգոստոսի 1-ին: Անշուշտ, կաթոլիկ մեծավորն այս դեպքում ավելի ճշմարտապարտում է, քան նրա լեկտորարի շատ ներկայացուցիչներ:

Ամփոփենք. Երեմիա Քյունուրճյանը, մոնսինյոր Ֆրանչեսկո Զոլիին, 1680 թ. Անանուն հիշատակագիրը, որոնց բոլորին միավորում է ժամանակակից ու ականաբեւ լինելու հույժ կարեւոր հանգամանքը, համերաշխ են շիրմաքարի աջ կողմի ներքեւի անկյան արձանագրությանն այն մասին, որ Կաթողիկոսը մահացել է օգոստոսի 1-ին: Մյուսները փաստն արձանագրել են միջնորդավորված՝ կամ լսելով եւ կամ շատ ավելի ուշ շիրմաքարին հայտնված ընդարձակ արձանագրության, որտեղ խոսքը թաղման օրվան է վերաբերում:

Այսպիսով, առկա բոլոր փաստական տվյալները համադրելով կարելի է եզրակացնել, որ Ամենայն Տառն Կաթողիկոս Նակոր Դ. Զողայեցին մահացել է 1680 թ. օգոստոսի 1-ի կիրակի օրը, իսկ հուղարկավորվել մեկ օր անց՝ օգոստոսի 2-ին, երկուշաբթի: